


李氏易解賸義







李氏易解贖義

李富孫輯

編主五雲王

編初成集書叢

義賸解易氏李

中華民國二十六年六月初版

輯者 李富孫

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

◆ E九四三

有

(本書校對者張嘯天)

李氏易解賸義自序

予自癸卯歲讀書於願學齋。從祖敬堂先生教富孫讀易。因縱觀萬善堂所藏易解。不下百種。顧自宋以後。多惑於圖說。而易爲方術之書。於聖人寡過之義。去之遠矣。夫易之爲書。理與象而已。漢人去古未遙。師師相承。其注解論說。惜多散佚不存。唐資州李鼎祚輯漢以來三十六家之說。成易解十卷。漢學之存於今者。猶得見其一二。其所繫豈淺尠哉。蓋易學有三派。有漢儒之學。鄭虞荀陸諸家精矣。有晉唐之學。王弼孔穎達諸家。卽北宋之胡瑗石介東坡伊川。猶是支流餘裔。至宋陳邵之學出。本道家之術。創爲圖說。轉相授受。舉義文周孔之所未及。漢以後諸儒之所未言者。附會穿鑿。以自神其說。理其理而非易之所謂理。數其數而非易之所謂數。直欲駕前聖而上之。而易道愈晦矣。予竊歎資州之解。精微廣大。聖賢遺旨。略見於此。嗜之好之。殆不啻芻豢之悅我口也。然其於三十六家之說。尙多未采。其遺文賸義。閒見於陸氏釋文。易書詩三禮春秋爾雅義疏。及史記集解。後漢書注。隋唐書。李善文選注。初學記。北堂書鈔。太平御覽。唐宋人易說等書。猶可蒐輯。爰於披讀之餘。綴而錄之。以附其後。其僞本與有完書者不錄。夫資州之輯。是解於諸儒之說。采取詳備。予非敢以補其闕也。亦曰與其過而棄之。寧過而存之云爾。

乾隆五十有五年冬十月李富孫自序

李氏易解贖義序

漢儒解易之書至多。今皆不可得見。唯唐資州李氏所著易傳集解中。采取三十餘家。後之學者。猶得以見其崖略。李氏之爲此書。未嘗執己之意。以決擇諸家而去取之也。故凡異同之說。往往竝載不遺。如夫之九五。引荀爽說。莧陸二菜也。又引虞翻說。謂莧說也。陸和陸也。既濟之輪。虞翻謂夏祭也。崔憬曰。春祭如此之類。不可以徧舉。又如小過象辭。引虞翻說。離爲飛鳥。震爲音。以或指卦象。二陽在內。四陰在外。有似飛鳥之象。爲俗說矣。乃至象傳。又引宋衷說。則固虞翻之所斥。爲俗說者。而亦具載之。若必爲一家之言。則所取者轉狹。而已之所非。安知不爲人之所是。設使由我削之。而遂泯焉。不復傳於後世。豈不大可惜乎。近元和惠定宇其講易。實宗漢學。凡所援引。多取裁於是書。甚矣李氏之大有造於天下。後世之學者也。今嘉興李君旣方好讀易。所經眼者不下百餘種。而深斥圖說之附會穿鑿。擯不欲觀。其所深嗜者。漢儒之學。求漢儒之學。則唯資州李氏一編。爲菁華之所聚。旣已朝夕寢饋於斯。而復於其三十餘家之說。之尙有未經采入者。更爲之搜羅薈萃。錄成得三卷。蓋幾於一字不遺矣。然采取雖博。而於元明人之所稱引。概不及焉。是其命意高而用力勤。又加以謹嚴。述之之功。遠倍於作。今學者多知寶資州之書。則安得不併寶是書。剗刷之事。是所望於賢而有方者。吾安得亟見其成。以與天下學士共讀之爲快乎。乾隆六十年季夏之月。杭東里人盧文弨序。

李氏易解賸義卷一

清嘉興李富孫既方輯

周易上經

鄭元曰夏曰連山殷曰歸藏周曰周易連山者象山之出雲連連不絕歸藏者萬物莫不歸藏於其中

周易者言易道周普无所不備正義序書疏十二周禮疏二十四禮記疏四十八易口訣義義海撮要十二易一名而含三義易簡一也

變易二也不易三也故繫辭云乾坤其易之緼邪又云易之門戶邪又云夫乾確然示人易矣夫坤隤

然示人簡矣易則易知簡則易從此言其易簡之法則也又云其爲道也婁遷變動不居周流六虛上

下无常剛柔相易不可爲典要唯變所適此言順時變易出入移動者也又云天尊地卑乾坤定矣卑

高以陳貴賤位矣動靜有常剛柔斷矣此言張設布列不易者也據此三義而說易之道廣矣大矣正義

序世說新語文學篇注○崔覲曰易者謂生生之德有易簡之義不易者言天地定位不可相易變易者謂生生

之道變而相續正義序○子夏傳曰雖分爲上下二篇未有經字同上○孟喜曰易分上下二經同上

乾

鄭元曰易歷三聖伏羲制卦文王繫辭孔子作十翼正義序○馬融曰卦辭文王作陸績同

初九潛龍勿用

馬融曰。爻辭周公所作。虞翻陸績同。正義序。左傳疏。漢上叢說。易輯聞一。○鄭元曰。周易

以變者為占。故稱九稱六。正義○陸績曰。陽在初稱初九。去初之二稱九二。則初復七。陰在初稱初六。

去初之二稱六二。則初復八矣。卦畫七八。經書九六七八為象。九六為爻。四者互明。聖人之妙意也。漢

易傳一。叢說。○干寶曰。道未可行。漢祖為泗上亭長。文王在羑里之時。下句集解亦引時字作爻。義海撮要一。案撮要中有引干虞說。俱係偽子夏傳之

誤。竝不采。

九二見龍在田。利見大人。

鄭元曰。九二利見九五之大人。正義○王肅曰。大人在位之目。釋文。文選注四十七。○向秀曰。聖人在位。

謂之大人。史記索隱二十六。

九三君子終日乾乾。夕惕若厲。

鄭元曰。惕懼也。釋文

上九亢龍有悔。

子夏傳曰。亢極也。釋文○鄭元曰。堯之末年。四凶在朝。是以有悔。未大凶也。正義○陸績曰。陽極陰來。

吉去凶生。京氏易注。案陸績京易注。例。不應采。今輯其有關於經者。

用九見羣龍无首吉。

鄭元曰。六爻皆體乾。一作龍。羣龍之象也。舜既受禪。道。禹與稷契咎繇之屬。竝在於朝。後漢書注三十下。四十下。

○陸續曰純陽用九之德。京易注

彖曰大哉乾元萬物資始乃統天。

鄭元曰孔子十翼上彖下象上象下象上繫下繫文言說卦序卦雜卦也。正義資取也統本也。釋文

大明終始。

虞翻曰雲雨坎也大明離也乾卦而舉坎離者言其變也陰陽失位則變得位則否九二九四上九陽

居陰位故動而有坎離之象。漢上叢說

六位時成時乘六龍以御天。

孟喜曰天子駕六之。詩疏三○鄭元曰謂陰陽六爻上下耳。公羊疏○陸續曰十二辰分六位升降以時

消息吉凶。京易注

天行健。

劉表曰健者詳其名也。正義○陸續曰六龍御天。京易注

大人造。鄭祖早反王肅七到反釋文也。

鄭元曰造爲也。釋文○王肅曰造就也至也。同上○姚信曰造至也。陸續同正義

君子體仁。京房荀爽董遇作體信釋文足以長人。

鄭元曰體生也。文選注二

利物孟喜京荀陸績作利之·足以和義·

確乎其不可拔·

鄭元曰·確·堅高之貌·拔·移也·釋文

閑邪存鄭作以存·其誠·呂氏音訓

君子進德修業·欲及時也·鄭本無欲也二字

上下·王肅上時掌反·无常·釋文

水流溼·火就燥·雲從張璠從音·龍風從虎·

王肅曰·水之性潤·萬物而退下·火之性炎·盛而升上·書疏十·龍舉而景雲屬·虎嘯而谷風興·裴注史記六十一

○張璠曰·猶言龍從雲·虎從風也·同上

聖人作馬融作起·而萬物覩·釋文

鄭元曰·作起也·裴注史記六十一

亢龍有悔·窮之·鄭作志·災也·晁氏

利貞者·性情·鄭作情性·也·漢上易一

乾始能鄭作而·以美利利天下·晁氏

六爻發揮

王肅曰揮散也。釋文

其唯聖人。王肅作愚人後結始乎。釋文

坤

先迷後得主。利西南得朋。東北喪朋。

子夏傳曰。先迷後得主也。漢上易一。今

○馬融曰。喪。失也。釋文

○王肅曰。西南陰類。故得朋。東北陽

類。故喪朋。漢上叢說

萬物資生。

劉瓛曰。自無出有曰生。文選注六。三十

應地。陸作行地。京易注。无疆。

履霜。鄭讀履為禮。釋文

馴致其道。

向秀曰。馴。從也。釋文

六二直方。

鄭元曰。直也。方也。地之性。此爻得中氣。而在地上。自然之性。廣生萬物。故生動直而且方。禮記疏五十八

或從王事。

陸績曰：陰臣陽君，臣不敢為物之始，陽倡陰和，君命臣終其事也。京易注

黃裳元吉

鄭元曰：如舜試天子，周公攝政。隋書四十二

龍戰于野

鄭元曰：聖人喻龍，君子喻蛇。蛇龍君子之類，儀禮疏五 ○陸績曰：乾配西北，積陰之地，陰盛故戰，乾坤併處，天地

之氣雜，稱元黃也。又戌亥是乾之位，乾伏本位，積陰之地猶盛，故戰。京易注

必有餘殃

鄭元曰：殃，既惡也。釋文

由辯。荀作變，釋文之不早辯也。

馬融曰：辯別也。釋文

直方大，不習无不利，則不疑其所行。張瑤本此上有易曰釋文

陰疑。荀處姚信蜀才作于陽必戰，為其嫌。鄭作謙，荀處陸董作兼，一作嫌，同上于无陽也。鄭作為其兼于陽也，虞本疑同，漢上易一故稱龍焉。

鄭元曰：謙于无陽，謙讀如羣公，慊之慊。古書篆作立心，與水相近，讀者失之，故作謙。慊，雜也。陰謂此上

六也。陽謂今消息用事乾也。上六為蛇，得乾氣雜似龍。詩疏九之三

屯

天造草昧，宜建侯而不寧。

鄭元曰：造，成也。草，草創。昧，昧爽也。

文選注三十六

而讀曰能，能猶安也。

釋文

○董遇曰：草昧，微物。

君子以經綸。

劉表鄭元以綸爲論字，正義。

鄭元曰：論，撰書禮樂施政事。

論如字，釋文。

○陸績曰：水在雷上，如雲雷交作，天地草昧，經綸之始，无出于此。

也。

京易注。○姚信曰：綸，謂綱也。以織綜經緯，此君子之事。

初九：磐桓。

子夏傳曰：盤桓，猶桓旋也。

漢上易

○馬融曰：槃桓，旋也。

釋文

○陸績曰：屯，難之際，盤桓，不進之貌。

京易注。

六二：屯如，邈如，乘。

子夏傳音緇，釋文。

馬班，同上。

如，匪寇婚媾。

女子貞不字，十年乃字。

子夏傳曰：如，辭也。

釋文

○馬融曰：邈如，難行不進之貌。

同上

○鄭元曰：馬牝牡曰乘。

同上

○子夏傳曰：

班如者，謂相牽不進也。

正義，釋文。

○馬融曰：班，班旋不進也。

正義

○王肅曰：班如，槃桓不進也。

文選注十五。

○馬融曰：重婚曰媾。

正義，釋文。

○鄭元曰：葍，猶會也。

同上

○陸績曰：媾，本作葍。

音訓

字，愛也。時通則道亨。

合正匹也。

京易注。

六三：卽鹿。

王肅作麓，釋文。

无虞，惟入於林中，君子幾。

鄭作機，同上。

不如舍往吝。

王肅曰：麓，山足也。

釋文

○鄭元曰：機，弩牙也。

同上

○馬融曰：吝，恨也。

同上

以從。

鄭子用反，釋文。

禽也。

蒙

蒙亨。匪我求童蒙。童蒙求我。初筮告。再三瀆。瀆則不告。利貞。

鄭元曰。蒙者。蒙蒙。物初生形。是其未開著之名也。人幼稚曰童。未冠之稱。亨者。陽也。筮。問也。瀆。褻也。五體震而得中。嘉會禮通。陽自動其中。德施於地道之上。萬物應之而萌芽生。教授之師。取象焉。修道。藪于其室。而童蒙者。求為之弟子。非已乎求之也。弟子初問。則告之以事義。不思其三隅相況。以反解而筮者。此勤師而功寡。學者之災也。瀆筮則不復告。欲令思而得之。亦所以利義而幹事也。公羊疏二十六釋文。

象曰。山下出泉。

張璠曰。險而止。山也。險而動。泉也。太平御覽。

初六。用說桎梏。

鄭元曰。木在足曰桎。在手曰梏。周禮疏三十四。

九二。苞蒙。

鄭元曰。苞當作彪。彪。文也。釋文。

順以巽也。

鄭元曰。巽當作遜。釋文。

上九。擊蒙。馬鄭作繫。釋文。

王肅曰擊治也。釋文

需

鄭元曰需讀爲秀陽氣秀而不直前者畏上坎也。釋文

光亨貞吉。馬鄭總爲一句釋文

位。鄭音滋釋文乎天位。

象曰雲上於天。王肅作雲在天釋文需君子以飲食宴樂。

干寶曰上升也。釋文○鄭元曰宴享宴也。同上

九二需于沙。鄭作沘釋文

鄭元曰沘接水者。引作沙疏十七之二詩

致寇。鄭王肅作戎釋文至。

六四需于血。

陸績曰外卦坎水爲險亦陰稱血也。京易注

有不速之客三人來。

馬融曰速召也。釋文

訟

鄭元曰辯財曰訟。釋文

有孚窒。馬作啞。釋文。惕中。馬丁仲反。同上。吉。

馬融曰啞讀爲躓猶止也。釋文○鄭元曰啞覺悔貌。同上

象曰天與水違行訟。

陸績曰天道西行水東流其路背也。外象乾西北方之卦。內坎水正北方之卦。其流東也。二氣不交曰

訟。京易注。

九二歸而逋其邑人三百戶无眚。

鄭元曰小國之下大夫采地方一成其定稅三百家故三百戶也。禮記疏四十三。五十一。不易之田歲種之一易

之田休一歲乃種再易之田休二歲乃種言至薄也。苟自藏隱不敢與五相敵則无災眚。正義○子夏

傳曰妖祥曰眚。釋文○馬融曰眚災也。同上○鄭元曰眚過也。同上

患至掇。鄭作掇。釋文。也。

鄭元曰惓憂也。釋文○王肅曰掇若手拾掇物然。正義

復卽命渝安貞吉。

陸績曰訟之復乾變而巽。漢上易○馬融曰渝變也。釋文○鄭元曰渝然也。同上

上九或錫之鞶。王肅作鞶。釋文。帶終朝三褫。鄭作托。徒可。同上。之。

馬融曰：鞶，大也。且至食時爲終朝。釋文鞶帶，大帶衣也。口訣○鄭元曰：鞶帶，佩鞶之帶。周禮疏二○王肅曰：褫，解也。釋文

師

馬融曰：二千五百人爲師。釋文○鄭元曰：軍二千五百人爲師。今无此多以軍爲名，次以師爲名，少以

旅爲名。師者舉中之言。詩疏十六之三案周禮大司馬敘官疏所引，疑亦是鄭注。特脫去注云二字。

貞丈人吉。

京房曰：貞，卜問也。从卜，貝以爲贄。一曰鼎省聲。此注未知何處姑附於此。說文三下○鄭元曰：丈之言長，能御衆，有正人

之德，以法度爲人之長。一作能以法吉而无咎，謂天子諸侯主軍者。周禮疏二十○陸績曰：師爲衆首，法長

而行。口訣

以此毒天下而民從之。

孟喜曰：年二十行役，三十受兵，六十還兵。此注未知何卦姑附於此。禮記疏十三

君子以容民畜衆。王肅許六反

王肅曰：畜，養也。釋文

否。馬鄭王肅方有臧凶。釋文

九二在師中，吉无咎。王三錫命。鄭作賜

陸績曰。在師中吉。陽居九二也。京易注。

承天寵。王肅作龍。釋文。也。

鄭元曰。寵。光耀也。釋文。○王肅曰。龍。寵也。同上。

比

陸績曰。比卦一陽五陰。少者為貴。衆之所尊者也。京易注。

初六有孚盈缶。終來有他吉。

鄭元曰。爻辰在未。上值東井。井之水。人所汲用。缶。汲器也。詩疏七之一。爾雅疏四。釋文。○子夏傳曰。非應稱他

也。漢上易一。程。○陸績曰。變而得正。故吉。漢上易一。

六三。比之匪子。王肅作匪人凶。釋文。

子夏傳曰。處非其位。非人道也。漢上易一。○馬融曰。匪。非也。釋文。

王用三驅。鄭作馘。釋文。失前禽。

馬融曰。三驅者。一曰乾豆。二曰賓客。三曰君庖。釋文。○鄭元曰。王因天下顯習兵于蒐狩焉。一作王者習兵於蒐狩。

驅禽而射之。三則已法。一作發。軍禮也。失前禽者。謂禽在前來者不逆而射之。旁去又不射。唯背走者順

而射之。不中則亦已。是皆其所以失之。用兵之法亦如之。降者不殺。奔者不禁。一作樂。皆為敵不敵

已。惠本作背。者不殺。加以仁恩。養威之道。周禮疏三十五。左傳疏六。漢上易一。

小畜鄭許六反釋文

鄭元曰畜養也。釋文王肅同丙子學易編

密雲不雨尚往也。

陸績曰一陰劣不能固陽是以往也。京易注

九三輿說輻。子夏傳虞翻本作輶漢上易一項氏玩辭二引作釋文

子夏傳曰輻車劇也。正義輶車下伏兔也。左傳疏十四○馬融曰輻車下縛也。釋文○鄭元曰輻伏兔。同上

謂輿下縛木與軸相連鉤心之木是也。正義

六四有孚血去。

馬融曰血當作恤憂也。釋文

九五有孚攣。子夏傳作戀釋文如

子夏傳曰戀思也。釋文○馬融曰攣連也。同上

月幾。子夏傳作近釋文望

既雨既處德積載也。

荀爽曰卦以一陰畜四陽故密雲不雨上處畜之極故陽德上通猶畜不已澤乃行也澤行則物安故

既雨既處也既盡也盡雨澤盡安處之此乃上畜德能積載與三陽同志而无私應也。義海撮要一

履

不啞鄭作噓。文選注十。人亨。

馬融曰啞齧也。釋文。○鄭元曰噓齧也。文選注十。

履帝位而不疚。陸作疾。釋文。

馬融曰疚病也。釋文。○陸績曰當履之時。京易注。

六三眇能視跛能履履虎尾啞人凶。

陸績曰此履非其位六三也。京易注。

愬愬馬作號號。音許。逆反。釋文。終吉。

子夏傳曰愬愬恐懼貌。釋文。○馬融曰號號恐懼也。同。

上九視履考祥。鄭荀皆作詳。晁氏。

鄭元曰履道之終考正詳備。晁氏。○荀爽曰詳審也。學易編。

泰

馬融曰泰大也。釋文。○鄭元曰通也。同上。

后以財荀作裁。釋文。成天地之道。

初九拔茅鄭音苗。羣經音辨一。釋文。茹王肅音如。釋文。以其彙鄭音謂。漢書注三十六。鄭作食。音訓。董遇

鄭元曰。彙類也。茹牽引也。茅喻君有潔白之德。臣下引其類而仕之。漢書注三、音訓作十六。彙。音訓作。勤也。釋文○董

遇曰。彙。一作。出也。同上

九二苞荒

鄭元曰。荒讀爲康。虛也。釋文

六四。翩翩。子夏傳向秀同。釋文。

向秀曰。翩翩。輕舉貌。釋文

六五。帝乙歸妹。以祉元吉。

子夏傳曰。帝乙歸妹。謂湯之歸妹也。漢上易二。困學紀聞一。○孟喜曰。易有周人五號。帝天稱一也。王美稱二也。

天子爵號三也。大君者。興盛行異四也。大人者。聖人德備五也。禮記疏○京房曰。湯嫁妹之辭曰。無以

天子之尊而乘諸侯。無以天子之富而驕諸侯。陰之從陽。女之順夫。本天地之義也。往事爾夫。必以禮

義。漢上易二。困學紀聞一。○鄭元曰。五爻辰在卯。春爲陽中。萬物以生。生育者嫁娶之貴。仲春之月嫁娶。男女之

禮。福祿大吉。周禮疏

上六。城復于隍。子夏作埵。姚信。作隍。釋文。

子夏傳曰。隍。當作。是城下池也。城之爲體。由基土培扶。乃得爲城。今下不培扶。城則損壞。以此崩倒。反

復于隍。猶君之爲體。由臣之輔翼。今上下不交。臣不扶君。君道傾危。故云城復于隍。正義○鄭元曰。隍。

壑也。詩疏十八 ○陸績曰：三陽務上，坤順而往，往而不已，否道至。京易注

否

小人道長，君子道消也。

陸績曰：陰小人，陽君子。京易注

九四：有命无咎，疇。鄭作古，釋文：離社。

鄭元曰：命所受天命也。此注未知何卦，姑附于此。文選注二十四。

九五：休否。

鄭元曰：休，美也。文選注二十五。

其亡其亡，繫于苞桑。

鄭元曰：苞，植也。否世之人，不知聖人有命，咸云其將亡矣。其將亡矣，而聖乃自繫于植桑，不亡也。文選注五

十二 ○陸績曰：苞桑則叢桑也。京易注

否終則傾，何可長也。

陸績曰：否極則泰來。京易注

同人

君子以類族辯。王肅：卜免反，釋文：物。

六二同人于宗

鄭元曰天子諸侯后夫人無子詩疏脫無不出詩疏三之三儀禮疏

九三伏戎于莽王肅冥黨反升其高陵釋文

鄭元曰莽叢木也釋文大阜曰陵易○劉瓛曰三居下體之上故謂之陵會通

九四乘其墉鄭作庸

九五同人先號咷而後笑

陸績曰隔于陽位不能決勝先口故曰號咷後獲合方喜故曰後笑京易

大有

火在天上大有

陸績曰離為火為日故曰大有京易

九二大車王肅剛余反蜀才以載釋文

九三公用亨于天子

京房曰亨獻也釋文○千寶曰享宴也釋文○姚信曰享祀也同上

九四匪其彭子夏作旁

千寶曰彭亨驕一作盛滿貌釋文○王肅曰彭壯也釋文○姚信也彭旁也同上

明辯哲。王廣作晰。音章舌反。鄭作選。陸作逝。釋文。也。

鄭元曰。選讀如明星哲哲。釋文。

謙。子夏作嘽。釋文。

子夏曰。嘽謙也。釋文。

天道虧盈。馬作毀盈。釋文。而益謙。

鬼神害盈而福。京作而富。釋文。謙。

君子以裒。鄭荀董蜀才作攄。釋文。漢上易二。多益寡。

鄭元曰。攄取也。釋文。

卑以自牧也。

鄭元曰。牧養也。文選注十六。

六四。撝謙。

子夏傳曰。撝謙。化謙也。言上下化其謙也。漢上易二。

也。釋文。○鄭元曰。撝讀為宣。同上。

六五。利用侵。王廣作寢。釋文。伐。

豫

○京房曰。上下皆通曰揮謙。同上。○馬融曰。撝猶離

馬融曰豫樂也。釋文

天地以順動故日月不過而四時不忒。京作貸。釋文。

陸績曰坤順震動。京易注。○鄭元曰忒差也。釋文

先王以作樂崇德殷。京作隱。釋文。薦之上帝。

荀爽曰樂者聖人因人之豫而節之。所以養其正而閑其邪。其和可以感鬼神而況于人乎。義海撮要二。○

馬融曰殷盛也。釋文○鄭元曰上帝天帝也。舊唐書二十一。文苑英華七百六十二。

六二介。馬作拈。鄭作斫。古八反。釋文。于石。

馬融曰拈觸小石聲。釋文○鄭元曰斫謂磨斫也。同上

六三盱。子夏作紆。姚作盱。京作汙。釋文。豫。

鄭元曰盱誇也。釋文○王肅曰盱大也。同上○姚信曰盱日始出詩盱日始旦。同上

九四由。馬作猶。釋文。豫大有得勿疑朋盍簪。京作攢。馬作臧。荀作宗。虞作設。王肅晉祖感反。蜀才本同。京義從鄭。釋文。王肅簪祖咸反。六經正誤一。

馬融曰猶豫疑也。釋文○鄭元曰由用也簪速也。同上○子夏傳曰簪疾也。同上○虞翻曰戡叢合疑

會二字之誤。也。同上

上六冥豫。

馬融曰冥昧耽於樂也。釋文○鄭元曰冥讀爲鳴。同上○王廙曰冥深也。同上

隨

動而說。

陸績曰：震一陽二陰，陽君陰民，得其正也。京易注。

而天下隨時。王肅作隨之。釋文。漢上易二。釋隨時之義。王肅作隨之時。義。同上。大矣哉。

君子以嚮。王肅作鄉。晉同。釋文。晦入宴。王肅烏顯反。同上。息。

鄭元曰：晦，宴也。猶人君既夕之後，入於宴寢而止息。正義。

初九官。蜀才作館。釋文。有渝。

上六王用亨。陸許兩反。釋文。于西山。

陸績曰：亨，祭也。釋文。

蠱

先甲三日，後甲三日。

鄭元曰：甲者宣令之日，先之三日而用辛也。欲取改新之義，後之三日而用丁也。取其丁寧之義。正義。序。

甲者造作新令之日，甲前三日，取改過自新，故用辛也。甲後三日，取丁寧之義，故用丁也。正義。

君子以振民育德。王肅作毓。釋文。

初六有子考。馬王肅以考絕句。釋文。无咎。

六四。裕父之蠱。

馬融曰。裕。寬也。釋文

上九。不事王侯。高尚其事。

鄭元曰。上九。艮爻。艮爲山。辰在戌。得乾氣。父老之象。是臣之致事也。故不事王侯。是不得事君。君猶高

尚其所爲之事。禮記疏五十四

臨

至于八月有凶。

荀爽曰。八月爲否。漢上易卦圖下。○陸績曰。建丑至未。至于八月入遯。京易注

初九。咸臨貞吉。

虞翻曰。初在卦下。四當臨之。陽升之世。陰亦下降。初動而說。往感于四。四順其欲。相與志行其正。猶賢

人思治。願奉其上。上能用之。以爲臨者也。義海撮要二

觀

觀盥而不薦。王肅本作而觀薦。釋文

鄭元曰。諸侯貢士於天子。鄉大夫貢士於其君。必以禮賓之。唯主人盥而獻賓。賓盥而酢主人。設薦俎

則弟子也。儀禮疏四

大觀 王肅音官·釋文· 在上。

風行地上。

陸績曰：君子之德風，小人之德草也。京易注·

初六童觀。

馬融曰：童猶獨也。釋文· ○鄭元曰：童，稚也。同上·

六三觀我生。

陸績曰：我生即道也。京易注·

利用賓于王。

陸績曰：臣道出于六四爻也。京易注·

噬嗑。

動而明。

陸績曰：象雷電也。京易注·

先王以明罰勅法。

鄭元曰：勅猶理也。釋文·

初九履校。馬音教·釋文· 滅趾。

六二噬膚滅鼻。

馬融曰：柔脆肥美曰膚。釋文

六三噬腊肉。

馬融曰：晞于陽而煬于火曰腊肉。釋文 ○鄭元曰：小物全乾曰腊。同上 周禮注四。

九四噬乾肺。子夏作脯。苟董同。釋文。 得金矢。

馬融曰：有骨謂之肺。釋文 ○鄭元曰：肺，簀也。同上 ○陸績曰：肉有骨謂之肺。義海撮要三。易輯聞二。 ○王肅曰：四

體離陰卦。一作位。 骨之象。骨在乾肉肺之象。金矢所以獲野禽。故食之反得金矢。君子於味必思其毒。於

利必備其難也。初學記二十六。御覽八百六十二。

上九何校滅耳。

王肅曰：何，荷擔也。釋文

聽不明也。

馬融曰：耳无所聞。釋文 ○鄭元曰：目不明，耳不聰。同上 ○王肅曰：言其聰之不明。同上

賁。王肅符文反。釋文。

鄭元曰：賁，變也。文飾之貌。釋文 ○王肅曰：有文飾，黃白色。同上

柔來而文剛。

虞翻曰：剛者陽爻也，柔者陰爻也。剛柔之爻，或謂之來，或謂之分，或謂之上下。所謂惟變所適也。蔡聲君伏

曼容蜀才同。漢上叢說。

君子以明。蜀才本作命。釋文。庶政无敢折獄。

鄭元曰：折斷也。釋文。

初九：賁其趾，舍車而徒。鄭張本作輿。釋文。

鄭元曰：趾，足也。釋文。

義弗鄭作不。鬼氏。乘也。

六四：賁如皤。董音榮。鄭陸作躡。音煩。荀作波。釋文。如白馬翰。鄭案案反。同上。如。

鄭元曰：六四巽爻也，有應於初九，欲自飾以適初，既進退未定，故皤如也。禮記疏八。白馬翰如，謂九三位

在辰，得巽氣，為白馬翰，猶幹也。見六四適初未定，欲幹而有之。禮記疏六。釋文。○董遇曰：馬作足，橫行曰皤。

翰，馬舉頭高仰也。釋文。○馬融曰：翰，高也。荀爽同。同上。

六五：賁于丘園，束帛戔戔。子夏傳作殘殘。釋文。

子夏傳曰：五匹為束，三元二纒，象陰陽。釋文。○馬融曰：戔戔，委積貌。同上。○王肅曰：失位無應，隱處邱

園，蓋蒙闇。蒙闇一作蒙微門。之人，道德彌明，必有束帛之聘，戔戔委積之貌也。文選注三。二十七。五十五。

剝

馬融曰剝落也。釋文

蔑荀作滅。貞凶。釋文

馬融曰蔑无也。釋文 ○鄭元曰蔑輕慢。同上

六二剝牀以辨。鄭符勉反。王肅否。勉反。釋文。

馬融曰辨足上也。釋文

六四剝牀以膚。京作簠。釋文。

京房曰簠謂祭器。釋文

切近災也。

鄭元曰切急也。釋文

上九君子得輿。京作德輿。董作德車。釋文。 小人剝廬。

鄭元曰小人傲很當剝徹廬舍而去三也。周禮疏十三。 ○陸績曰君子全得剝道安其位小人終不可安也。

京易注。

復

復亨出入无疾朋。京作崩。釋文。 來无咎。

鄭元曰復反也。還也。陰氣侵陽陽失其位至此始還反起于初故謂之復。陽君象君失國而還反。道德

更興也。左傳疏三十八。

反復。劉芳福反。釋文。其道七日來復。

京房曰。剝復相去三十日。漢上易卦圖下。○鄭元曰。建戌之月。以陽氣既盡。建亥之月。純陰用事。至建子之月。

陽氣始生。隔此純陰一卦。卦主六日七分。舉其成數言之。而云七日來復。正義○陸績曰。七日陽之稱

也。七九稱陽數也。謂坤上六陰極。陽戰之地。陰雖不能勝陽。然正當盛陰。不可輕犯。六陽涉六陰。反下

七爻。在初。故稱七日。日亦陽也。京易注。

商旅不行。

鄭元曰。資貨而行曰商旅。客也。釋文。

初九不遠復。无祗。馬晉之是反。韓伯祁支反。王肅作禋。時支反。九家本作數。晉支。釋文。悔。

馬融曰。祗。辭也。釋文。○鄭元曰。祗。病也。同上。○陸績曰。反至初九。陽來陰復。遠。違也。禋。安也。京易注。釋文。

以下仁也。

王肅曰。下附於仁。釋文。

六三。頻。鄭作擊。釋文。復。

馬融曰。頻。憂嘖也。釋文。

六四。中行獨復。

鄭元曰。爻處五陰之中。度中而行。四獨應初。漢上易三。

中以自考也。

鄭元曰。考。成也。釋文。○向秀曰。察也。同上

有灾。鄭作裁。釋文。告。

子夏傳曰。傷害曰災。妖祥曰告。釋文。○鄭元曰。異自内生曰告。自外曰祥。害物曰裁。同上

无妄

馬融曰。妄猶望。謂无所希望也。鄭王肅皆同。釋文。

无妄之往。何之矣。

鄭元曰。妄之言望。人所望宜正。行必有所望。行而無所望。是失其正。何可往也。後漢書注十五。

天命不佑。馬作右。釋文。

馬融曰。謂天不右行也。釋文。○鄭元曰。佑。助也。同上

先王以茂對時。育萬物。

馬融曰。茂。勉也。對。配也。釋文

六二。不耕穫。不菑畲。

馬融曰。菑。田一歲也。畲。田三歲也。釋文。○董遇曰。菑。反草也。悉耨曰畲。同上。○鄭元曰。田一歲曰菑。二

歲曰新田。三歲曰畚。坊記注作二歲曰畚。三歲曰新田。誤。詩疏十之二。爾雅疏六。

大畜

不家食吉。

鄭元曰：自九三至上九有頤象，居外是不家食吉而養賢。禮記疏五十四。

輝光日新。鄭絕句。釋文。其德剛上而尚賢。

君子以多識。劉表作志。釋文。前言往行。

初九有厲利己。姚晉紀。釋文。

九二輿說輶。蜀才音福。釋文。

馬融曰：說解也。釋文。

九三良馬逐。鄭作逐逐。釋文。利艱貞曰。鄭人實反。同上。閑輿衛。

鄭元曰：逐逐兩馬走也。釋文。○姚信曰：逐逐疾竝驅之貌。同上。○劉表曰：日猶言也。同上。○馬融曰：閑

習也。鄭同。同上。○鄭元曰：日習車徒。同上。

六四童牛之牯。九家作告。釋文。

鄭元曰：木在手曰牯，牛無手以前足當之也。一作牯者。牛雖無手。謂牯前足也。周禮疏四。左傳疏十。巽為木，互體震，震為牛之足，足

在艮體之中，艮為手持木以就足，是施牯。周禮疏三十四。○劉表曰：童，妾也。牯之言角也。釋文。陸績曰：牯當作

角·同上

六五·豮豕之牙·

劉表曰·豕去勢曰豮·釋文 ○鄭元曰·牙讀爲豕·同上

上九·何天之衢·

馬融曰·四達謂之衢·釋文 ○鄭元曰·良爲手·手上肩也·乾爲首·首肩之間·荷物處·乾爲天·良爲徑路·天

衢象也·後漢書注 五十二·

道大行也·

鄭元曰·人君在上位·負荷天之大道·文選注 十一·

頤

自求口實·

荀爽曰·飲食失宜·患之所起·口訣 義·

天地養萬物·

陸績曰·上下陽位包陰也·京易 注·

觀我朵·京作揣· 釋文· 頤·

鄭元曰·朵動也·釋文

六二 顛頤拂子夏傳作弗經于丘頤釋文

子夏傳曰弗輔弼也釋文 ○王肅曰邱小山也物之所聚以養人者也漢上易

六四 虎視眈眈其欲逐逐子夏傳作攸攸荀作悠

馬融曰兌為虎漢上易 眈眈虎下視貌釋文 ○劉表曰悠遠也釋文 ○虞翻曰艮為虎漢上易

上九 由頤厲吉

馬融曰厲危也王肅同

大有慶也

鄭元曰君以得人為慶漢上易

大過王肅晉戈

鄭元曰陽爻過也漢上易

大者過也

陸績曰大者相過京易

初六 藉用白茅

馬融曰在下曰藉釋文

九二 枯楊生稊鄭作莢老夫得其女妻漢上易

鄭元曰枯。音姑謂无姑山榆。羊朱反。蕘。音夷木更生謂山榆之實。釋文以丈夫年過娶二十之女老婦年過嫁於三十之男皆得其子。詩疏一之二

坎

習坎。京劉作猷。險也。陷也。釋文。

孟喜曰自冬至初中孚用事一月之策九六七八是爲三十而卦以地六候以天五五六相乘消息一變十有二變而歲復初坎震離兌二十四氣次主一爻其初則二至二分也坎以陰包陽故自北正微陽動于下升而未達極于二月凝澗之氣消坎運終焉春分出於震始據萬物之元爲主于內則羣陰化而從之極于南正而豐大之變窮震功究焉離以陽包陰故自南正微陰生於地下積而未章至于八月文明之質衰離運終焉仲秋陰形于兌始循萬物之末爲主于內羣陽降而承之極于北正而天澤之施窮兌功究焉故陽七之靜始於坎陽九之動始於震陰八之靜始於離陰六之動始於兌故四象之變皆兼六爻而中節之應備矣。新唐書二十七上○劉表曰水流行不休故曰習。釋文○陸績曰坎水能深陷于物處坎之險不可不習故曰習坎便習之習後可履于險而不陷沒者不以剛履柔不能成坎之道也。京易注

維心亨乃以剛中也。

陸績曰內外居坎陽處中而爲坎主純陰得陽爲明臣得君而安其居也君得一一作臣而顯其道。京易注

水洊

京作臻，干作荐。釋文。至。

劉表曰洊仍也。釋文

初六入于坎窞。王肅徒感反。釋文。

王肅曰窞坎底也。釋文

六三險且枕。鄭向本作檢。九家作玷。王肅針甚反。釋文。

鄭元曰木在手曰檢木在首曰枕。釋文○陸績曰枕閑礙險害之貌。同上

六四尊酒簋贰用缶納。京作內。會通。晉。約自牖。陸作誘。釋文。

鄭元曰六四上承九五又互體在震上爻辰在丑丑上值斗可以斟之象斗上有建星建星之形似簋

貳副也建星上有弁星弁星之形又如缶天子大臣以王命出會諸侯主國尊于簋副設元酒而用缶

也。詩疏七之一。禮記疏二。十三。爾雅疏四。

祗京作禮。釋文。既平

鄭元曰祗當為坻小邱也。釋文

上六繫用徽纆寘子夏傳作濕。劉表作示。姚作寘。張作置。釋文。于叢棘三歲不得凶。

鄭元曰繫拘也爻辰在巳巳為蛇蛇之蟠屈似徽纆也三五互體艮又與震同體艮為門闕于木為多

節震之所為有叢拘之類門闕之內有叢木多節之木是天子外朝左右九棘之象也外朝者所以詢

事之處也。左嘉石平罷民焉。右肺石達窮民焉。罷民邪惡之民也。上六乘陽有邪惡之罪。故縛以一作約。微纆置于叢棘而使一作後。公卿以下議也。其害人者。置之園土而施職事焉。以明刑恥之。能復者。上罪三年而赦。中罪二年而赦。下罪一年而赦。不得者。不自思以得正道。終不自改。而出諸園土者。殺。故曰凶。公羊疏十五。 ○劉表曰。三股曰一作爲。徽兩股曰纆。皆索名。三句集解引曰。字俱作爲字。示言衆議于九棘之下也。釋文 ○姚信曰。寔置也。釋文 ○虞疑當作。氏曰。以置九棘。取改過自新。故曰係用徽纆。寔于叢棘也。若置之九棘之中。而不能改過自新。必致罪咎。故曰三歲不得凶也。口訣義。

離

百穀艸木麗乎土。王肅作地。釋文。

明兩作離。大人以繼明照于四方。

鄭元曰。作起也。釋文。漢上易三。明兩者。取君明。上下以明德相承。其於天下之事無不見也。文選注二。 ○荀

爽曰。作用也。釋文。 ○王肅曰。兩離相續。繼一無繼。明之義也。初學記十。御覽一百四十六。 ○陸績曰。離卦中虛。始于

乾象純剛健。不能柔明。故以北方陰氣貫中。柔剛而文明也。京易注。

初九履錯。馬七路反。鄭七各反。釋文。然。

六二黃離元吉。

鄭元曰。離南方之卦。離爲火。土託位焉。土色黃。火之子。喻子有明德。能附麗于其父之道。文王之子發

且是也。一作文王太子發是也。一无此句。慎一作順成其業則吉矣。一作故吉也。文選注二十。御覽一百四十六。

九三。日吳之離不鼓。鄭作擊。釋文。缶而歌則大耋。王肅他結反。京作經。蜀才作啞。同上。之嗟。王肅遭哥反。苟作差。同上。凶。鄭无凶字。同上。

鄭元曰。艮爻也。位近丑。丑上值弁星。弁星似缶。詩云坎其擊缶。則樂器亦有缶。詩疏七之一。爾雅疏四。耋。年踰一作

餘七十也。詩疏六之三。禮記疏六十二。爾雅疏二。○馬融曰。七十曰耋。釋文。○王肅曰。八十曰耋。同上。

九四。突。王肅唐屠反。鄭作恣。釋文。周禮疏三十六。如其來如焚如。死如棄如。

鄭元曰。震為長子。爻失正。又互體兌。兌為附決。子居明法之家而無正。何以自斷。其君父不志也。爻如

震之失正。不知其所如。又為巽。巽為進退。不知所從。不孝之罪。五刑莫大焉。得用議貴之辟刑之。若如

所犯之罪。焚如殺其親之刑。死如殺人之刑。棄如流宥之刑。周禮疏三十六。

六五。出涕沱。荀作池。釋文。若戚。子夏傳作戚。同上。嗟。荀作差。同上。若。

鄭元曰。自目出曰涕。漢上易三。

離。鄭作麗。釋文。王公也。

王肅曰。麗王者之後為公。釋文。

王用出征以正邦也。王肅本此下更有獲匪其醜。大有功也。釋文。漢上易三。

鄭元曰。行誅之後致太平。此注未知何卦。姑附于此。詩疏十九之一。

李氏易解贖義卷二

周易下經

咸

取女吉。

子夏傳曰：婦人學於舅姑者也。漢上易九○陸績曰：艮少男，兌少女，男下于女，取婦之象。京易注

二氣感應以相與。

鄭元曰：與猶親也。釋文

君子以虛受人。

何妥曰：虛心受人，不問不拒，卽物來歸己，君子之志也。口訣義

初六，咸其拇。子夏作母，荀作母。釋文。

馬融曰：拇，足大指也。鄭同。釋文。○荀爽曰：母，陰位之尊。同上

六二，咸其腓。荀作肥。釋文。

鄭元曰：腓，腓腸也。釋文。○荀爽曰：肥，謂五也。尊盛故稱肥。同上○王虞曰：腓，腓腸也。動於腓腸，斯則行

矣。同上。正義。

憧憧京作憧。往來。

馬融曰：憧憧，行貌。

○王肅曰：往來不絕貌。

○劉表曰：意未定也。

九五：咸其脢。

子夏傳曰：在脊曰脢。

○馬融曰：脢，背也。

○鄭元曰：脢，背字。

○王肅曰：脢，脊肉也。

在背而夾脊。

上六：咸其輔頰。

馬融曰：輔，上頰也。

滕九家作乘。案玩辭引虞說作騰。

鄭元曰：滕，送也。咸道極薄，徒送口舌言語相感而已，不復有志於其間。

恆

初六：浚其德，或承之羞。

九三：不恆其德，或承之羞。

鄭元曰：爻得正，互體為乾，乾有剛健之德，體在巽，巽為進退，不恆其德之象。又互體兌，兌為毀折，後將有羞辱也。

○陸績曰：恆者常也，而九三以陽居位，立于陰陽交互之上，是知不久為失所然。

京易注。

六五。恆其德貞。婦人吉。夫子凶。

鄭元曰。以陰爻而處尊位。是天子之女。又互體兌。兌為和說。至尊主家之女。以和說幹其家事。問正於人。故為吉也。應在九二。又男子之象。體在巽。巽為進退。是无所定而婦言是從。故云夫子凶也。禮記疏五十五。

上六。振張作震。恆。

馬融曰。振動也。釋文。○鄭元曰。振搖落也。同上

遯

陸績曰。遯退也。京易注

莫之勝說。王肅如字。釋文

王肅曰。說解說也。釋文

有疾憊。王肅作斃。荀作備。釋文也。

鄭元曰。憊困也。釋文

九四。好遯。君子吉。小人否。鄭王肅備鄙反

馬融曰。好遯。君子吉。言雖身外。乃心在王室。此之謂也。小人則不然。身外心必怨也。御覽五百一。○鄭元曰。

否。塞也。王肅同。釋文

上九。肥遯。

子夏傳曰肥饒裕也。釋文正義

大壯

馬融曰壯傷也。釋文 ○鄭元曰壯氣力浸強之名。同上 ○王肅曰壯盛也。同上 ○陸績曰內陽升降二

象俱陽曰大壯。京易注

君子用罔

馬融曰罔无也。王肅同釋文

羝羊觸藩羸。鄭虞作羸。王肅作縲。音螺。蜀才作累。張作蕪。釋文 其角。

馬融曰藩籬落也羸大索也。釋文 ○張璠曰羝羊殺羊也。同上

六五喪羊于易。鄭音亦。陸作場。釋文

鄭元曰易謂俊易也。釋文 ○陸績曰場謂疆場也。同上

不詳。鄭王肅作祥。釋文

鄭元曰祥善也。王肅同釋文

晉孟喜作齊。子西反。釋文

晉康侯用錫馬蕃。鄭發袁反。庶。鄭上奢反。晝日三接。鄭音捷。釋文

孟喜曰齊進也。釋文 ○馬融曰康安也。同上 ○鄭元曰康尊也廣也蕃庶謂蕃遮禽也接勝也。同上 ○

陸績曰康安也樂也同上

初六晉如摧如

鄭元曰摧讀如南山崔崔之崔釋文

六二晉如愁鄭子小反釋文如貞吉受茲介福于其王母

鄭元曰愁變色貌釋文○馬融曰介大也同上

九四晉如鼫鼠子夏傳作碩鼠釋文

鄭元曰詩云碩鼠碩鼠无食我黍謂大鼠也正義

六五失孟馬鄭虞王肅作矢釋文得

馬融曰离爲矢王肅同釋文

明夷

以蒙大難文王以之鄭荀向作似之亦然釋文下

鄭元曰蒙猶遭也釋文○王肅曰唯文王能用之同上

六二明夷夷子夏作睇鄭陸同京作曠釋文于左股馬王肅作股姚作右桴釋文用拯子夏作拊同上馬壯吉

子夏傳曰旁視曰睇陸績同釋文○鄭元曰旁視爲睇六二辰在酉酉在西方又下體離離爲目九三體在

震震東方九三又在辰辰得巽氣爲股此謂六二有明德欲承九三故云睇于左股禮記疏二十七拯承也

釋文 ○馬融曰般旋也日隨天左行也同上

○姚信曰右槃自辰右旋入丑同上

南狩之志乃大得也

京房曰動乃見志故曰大得漢上易四

六五箕蜀才作其釋文子之明夷

王肅曰箕子紂之諸父也易輯聞四

家人

閑有家

馬融曰閑闌也防也釋文 ○鄭元曰閑習也同上

六二无攸遂在中饋

鄭元曰二為陰爻得正于內五陽爻也得正于外猶婦人自修正于內丈夫修正于外无攸遂言婦人

无敢自遂也爻體萬又互體坎火位在下水在上館之象也中饋酒食也故云在中饋也後漢書注四十九

九三家人嗃嗃荀作確確劉作嬌嬌釋文悔厲吉婦子嘻嘻張作嬉嬉陸作喜喜同上終吝

馬融曰嗃嗃悅樂自得貌嘻嘻笑聲釋文 ○鄭元曰嗃嗃苦熱之意嘻嘻驕佚喜笑之意同上

曰治家之道於此分矣漢上易四

王假有家

馬融曰假大也。釋文 ○鄭元曰假登也。同上

睽馬鄭王肅莫音圭釋文

其志不同行。王肅退孟反說而麗乎明。

陸績曰兌處下為積陰暗之象也。離在上為明照于下。京易注

六三其牛掣。子夏作犂。鄭作犁。荀作箭。劉作習。釋文。鄭作習。漢上易四。其人天且劓。王肅作斃。釋文。

子夏傳曰掣一角仰也。釋文 ○鄭元曰牛角皆踊曰掣。劉表同。同上。 ○馬融曰劓刻。一作鑿其額曰天。同上。易四。漢

後說虞音稅。會通八。京馬鄭王肅韜子元作壺。釋文。之弧。

陸績曰先疑暗也。後說明也。京易注

蹇。王肅紀假反。釋文。

往得中也。

鄭元曰中和也。釋文 ○王肅曰中。張仲反。適也。同上

以正邦。荀陸作國。為漢朝諱。釋文。也。

象曰山上有水蹇君子以反身修德。

陸績曰水在山上失流通之性故曰蹇。又曰水本應山下今在山上終應反下故曰反身。正義

宜待時也。鄭本同。張璠作宜時也。釋文。

六四往蹇來連鄭如字釋文

馬融曰連亦難也正義釋文 ○鄭元曰遲久之意同上

解

天地解而雷雨作雷雨作而百果艸木皆甲坼馬陸作宅鄭同釋文文選注四

馬融曰宅根也陸績同釋文 ○鄭元曰木實曰果皆一作解讀如人倦之解解謂坼噓皮曰甲根曰宅宅居

也文選注四 ○陸績曰雷雨作震雷坎雨京易注

君子以赦過宥京作尤釋文罪

負且乘王肅繩證反釋文

九四解而拇荀作母釋文

陸績曰拇足大指釋文 王肅曰拇手大指同上

上六公用射隼于高墉之上

馬融曰墉城也釋文

損

二簋蜀才作軌釋文 可用亨蜀才許庚反同上

鄭元曰四以簋進黍稷于神也初與二直其四與五承上故用二簋四巽爻也巽爲木五離爻也離爲

日。日體圓。木器而圓。筮象也。周禮疏十六。四十一。儀禮疏十六。詩疏六之四。

損下益上。

陸績曰。乾九三變六三。陰柔益上。九臣奉君之象。京易注。

君子以懲鄭作徵。劉作激。蜀才作澄。釋文。忿窒鄭劉作憤。孟作怪。陸作瘠。同上。欲孟作浴。同上。

鄭元曰。微猶清也。慎止也。劉表同。釋文。

初九已事遄荀作顛。釋文。往。

六五或益之十朋之龜。

鄭元曰。案爾雅云。十朋之龜者。一曰神龜。二曰靈龜。三曰攝龜。四曰寶龜。五曰文龜。六曰筮龜。七曰山

龜。八曰澤龜。九曰水龜。十曰火龜。馬融同。正義。禮記疏。爾雅疏十。

益

向秀曰。明王之道。志在惠下。故取下謂之損。與下謂之益。正義。○宋衷曰。明君之德。必須損己而利人。

則下盡益矣。口訣。義。

象曰。風雷益。

子夏傳曰。雷以動之。風以散之。萬物皆益。孟喜同。正義。○何晏曰。益獨取風雷者。取其最長可久之義也。同上。

○陸績曰。內外順動。風雷益。四象分明。剛柔定矣。京易注。

王用亨王虞許庚反于帝釋文

告公用圭王肅作桓圭

偏孟作徧辭也釋文

孟喜曰徧周匝也釋文

夬

初九壯于前趾荀作止

九二惕荀翟作錫號鄭王虞音号夜鄭如字

苟爽曰錫賜也翟元同○鄭元曰莫无也无夜非一夜同上

九二壯于頄鄭作頤○鄭元曰頄王肅音龜

鄭元曰頄夾面也釋文○翟元曰頄面頄頰間骨也同上

其行次鄭作越且鄭作起牽子夏作擊羊悔亡釋文

馬融曰次卻行不前也且語助也釋文○王肅曰越起行止之礙也同上

九五苒陸蜀才作陸

子夏傳曰苒陸木根草莖剛下柔上也正義○孟喜曰苒陸獸名夬有兌兌為羊也路史後紀注五○馬融曰

苒陸商陸也一作一名商陸鄭王肅正義一名章陸兼明書○宋衷曰苒苒菜也陸商一作陸也釋文○馬融曰

商陸易輯開五。○董遇曰：萈，人萈也。陸，商陸也。正義。前人以萈、陸、商、陸爲二艸，俱柔脆之物。陸之爲葉，差

堅於萈。萈，根小，陸，根大。義海撮要五。○蜀才曰：陸，親也。通也。釋文。當是轉寫之誤。案毛本。釋文

姤鄭作遘。釋文。

勿用取女。京房以取下誤增女字。義海撮要五。

天下有風，姤，后以施命誥。鄭作誥。起一反。四方。釋文。

鄭元曰：詰，止也。王肅同。○陸績曰：巽，入也。風入于物，皆動也。故知天下有風，動其物也。京易注。

初六：繫于金柅。子夏作鑿。王肅作拮。蜀才作尼。釋文。

馬融曰：柅者，在車之下，所以止輪，令不動者也。正義。○王肅曰：柅，織績之器，婦人所用。同上。○蜀才曰：

尼，止也。釋文。

羸。鄭力追反。王肅劣隨反。陸讀爲累。釋文。豕孚蹢躅。

九二：包。子夏虞翻皆作苞。玩辭九。有魚。釋文。

九五：以杞包瓜。子夏作苞。馬鄭百瓜。交反。釋文。

子夏傳曰：作杞匏瓜。正義。杞，梓連抱，瓜陰實而蔓生，象陰之來，綿綿未已。易輯開五。○馬融曰：杞，大木也。

左傳云：杞梓皮革，自楚往。釋文。○鄭元曰：杞，柳也。釋文。○張璠曰：苟杞。同上。

萃

萃亨王肅本同。馬鄭陸虞无此字。釋文。

聚荀作取。釋文。以正也。

君子以除荀作慮。釋文。戎器。

鄭元曰：除，去也。釋文。○王肅曰：除，猶修治也。姚信同。同上。周易編。○陸績曰：除，猶修治也。凡聚衆必慎防閑，假

陽爲主，成萃之義，伏戎必豫備，衆聚去疑心。注。京易。○蜀才曰：除去戎器，修行文德也。釋文。

若號馬鄭王肅上廣戶。蓋反。釋文。一握爲笑。

鄭元曰：握，當讀爲夫三爲屋之屋。蜀才同。釋文。

六二：引吉无咎，孚乃利用禴。蜀才作躍。劉作禴。釋文。

王肅曰：六二與九五相應，俱履貞正，引由迎也，爲吉所迎，何咎之有。舊唐書。一百。○馬融曰：禴，殷春祭名。王肅

同。釋文。○鄭元曰：夏祭名。同上。

上六：齋王肅將啼反。釋文。咨涕洟。

馬融曰：齋，咨悲聲，怨聲。釋文。○鄭元曰：齋，咨嗟歎之辭也。自目曰涕，自鼻曰洟。同上。

升鄭作昇。釋文。

馬融曰：升高也。釋文。

君子以順德得。王肅同。姚本作得。釋文。積小以高大。鄭作以成高大。禮記注五十三。

陸續曰：合抱之木，始于豪末。京易注。○何妥曰：君子謹習爲先，修習道德，積其微小，以至高大。口訣義

九三升虛邑。

馬融曰：虛，邱也。釋文

六四王用亨。馬鄭陸王肅許兩反于岐山。釋文

馬融曰：亨，祭也。釋文。○鄭元曰：獻也。同上

順事也。

鄭元曰：事之以牛羊。此註未知何卦。姑附於此。詩疏十六之二。

困

陸續曰：困卦上下不應，陰陽不交，六三陰，上六亦陰，无配，入九五求陽，陽亦无納也。京易注

剛揜。虞作舛。釋文也。

九二困于酒食，朱韍方來，利用亨祀。

鄭元曰：二據初，辰在未，未爲土，此二爲大夫有地之象，未上值天廚，酒食象，困于酒食者，采地薄，不足

己用也。二與日當作四爲體離，爲鎮霍，爻四爲諸侯有明德，受命當王者，離爲火，火色赤，四爻辰在午時

，離氣亦爲朱是也。文王將王，天子制用朱韍。儀禮疏一，學易編。朱深云：當作赤。詩疏十一

九四來徐徐。子夏翟元作茶，茶音圖。王肅作余，余釋文。

九三井渫不食爲我心惻可用汲

鄭元曰謂已浚渫也猶臣修正其身以事君也。文選注十一○向秀曰渫者浚治去泥濁也。史記注八十四○張璠

曰可爲惻然傷道未行也。同上文選注十一○京房曰言我道可汲而用也。史記索隱二十

六四井甃

子夏傳曰甃修治也。釋文正義○馬融曰甃爲瓦裹下達土也。釋文○干寶曰以輒壘井曰甃。同上

九五井洌

王肅音例釋文

上六井收荀作斂釋文勿干作罔同上幕干作口漢上易五

革

馬融曰收汲也。釋文○陸續曰收井幹也。同上

巳日乃孚

陸續曰孚猶信也。京易注○宋衷曰人性習常不說改易及變之後樂其所成故即日不孚巳日乃孚矣

故曰巳日乃孚也巳竟也。口訣義

水火相息

馬融曰息滅也。釋文

初九鞶用黃牛之革。

馬融曰鞶固也。釋文

其文炳也。

京房曰虎文疎而著也。漢上易五

鼎

荀爽曰三鼎形同以足爲異。廣川書跋一○何妥曰古者鑄金爲此器能調五味變故取新以成烹飪之用。

以供宗廟次養聖賢天子以天下爲鼎諸侯以國爲鼎變故成新尤須當理故先元吉後乃亨通故曰

元吉亨也。口訣義

鼎象也。

陸績曰木見火中發火木相資象鼎之兆卜穴爲足中虛見納飪熟之義明矣。京易注

君子以正位凝命。翟作擬釋文

鄭元曰凝成也。釋文○翟元曰擬度也。同上

初六鼎顛趾利出否得妾以其子无咎。

鄭元曰顛踣也趾足也無事曰趾陳設曰足爻體巽爲股初爻在股之下足象也足所以承正鼎也初

陰爻而柔與乾同體。一作不以否正承乾乾爲君以喻君夫人人事君若失正禮踣其爲足之道情無怨

則當以和義出之。然如否者嫁于天子，雖失禮无出道。廢遠之而已。若其无子，不廢遠之。后尊如故。其犯六出，則廢之遠之。子廢，坤爲順，又爲子母牛。今在后妃之旁，側妾之例也。有順德子必賢，賢而立以爲世子，又何咎也。儀禮疏二·禮記疏二十七·詩疏三之三·御覽一百四十六

我仇有疾

子夏傳曰：仇謂四也。漢上易五 ○鄭元曰：怨耦曰仇。釋文 九四爲九二仇。漢上叢說

九三鼎耳革，其行塞，雉膏不食。

陸績曰：九三成鼎之德。京易注 ○鄭元曰：雉膏，食之美也。釋文

九四鼎折足，覆公餗，其形禮注三十六。周渥，鄭作劇，晉屋，釋文。子夏傳作握，虞作劇。漢上易五。

馬融曰：餗，餽也。釋文 餗謂糜也。穀梁疏 ○鄭元曰：糝謂之餗。震爲竹，竹萌曰筍。筍者，餗之爲菜也。餗，一作

美饌。疏六·三十六·詩疏十八之四 八珍之食，鼎三足三公象。若三公傾覆王之美道，屋中刑之。若三公二句，一作臣下曠官失君之美道，當刑之于屋中。周禮

六五鼎黃耳，金鉉。釋文 ○虞翻曰：餗，八珍之具也。同上

陸績曰：六五委任賢臣，假之位也。京易注 ○馬融曰：鉉，扛鼎而舉之也。釋文 ○鄭元曰：金鉉，喻明道，能舉

君之官職也。文選注十·二十四·四十六·五十八·唐律疏義一

震

震來虩虩。荀作愬愬。釋文。笑言啞啞。震驚百里。不喪七鬯。

馬融曰。虩虩。恐懼貌。鄭同。啞啞。笑聲。釋文。○鄭元曰。啞啞。樂也。同上。驚之言警戒也。詩疏一之四。鬯者。秬黍

之酒。其氣調暢。故謂之鬯。人君子祭祀之禮。尚牲薦鬯而已。其餘不足觀也。正義。○虞翻曰。百里。陽爻

三十六。陰爻二十四。震初九九四。二陽二陰。為百二十。舉其大數也。今本集解似有脫誤。漢上易卦圖下。○陸績曰。震為

雷聲。驚于百里。春發秋收。順天行也。取象定吉凶。京易注。七者。棘七。撓鼎之器。正義。

出可以守宗廟社稷。以為祭主也。

王肅曰。在有靈而尊者。莫若於天。有靈而貴者。莫若於王。有聲而威者。莫若於雷。有政而嚴者。莫若於

侯。是以天子當乾。諸侯用震。地不過一。雷不過百。里。政行百里。則七鬯亦不喪。祭祀國家大事。不喪。

宗廟安矣。處則諸侯執其政。出則長子掌其祀。御覽一百四十六。

億。鄭於力反。釋文。虞作。喪。荀如字。荀音敗。億。惜也。漢上易五。貝。同上。

鄭元曰。十萬曰億。釋文。

六三。震蘇蘇。

馬融曰。蘇蘇。尸祿素餐貌。釋文。○鄭元曰。不安也。同上。○王肅曰。躁動貌。同上。

九四。震遂遂。荀作隊。釋文。又。泥。荀音乃。低反。釋文。

億。漢上易五。无喪有事。

上六震索索視矍矍

馬融曰索索內不安貌矍矍中未得之貌釋文

○鄭元曰索索猶縮縮足不正也矍矍目不正同上

艮

鄭元曰艮之言很也釋文

初六艮其趾荀作止釋文

不拯馬作拏漢上易五其隨

馬融曰承當作拏舉也釋文

九三艮其限列其夤鄭作曠荀作腎釋文厲薰荀作動釋文子夏傳作薰孟

馬融曰限要也鄭荀虞同夤夾脊肉也釋文○荀爽曰互體有坎坎為腎互體有震震為動同上○馬王

曰熏灼其心漢上易五

漸

女歸吉也王肅本作女歸吉利貞釋文虞本无也字會通

進得位往有功也

陸績曰艮變八卦終于漸漸終降純陰入坤分長女三陰之兆也柔道行也京易注

君子以居賢德善俗王肅本作善風釋文

侯果曰：賢者德成之名，德是資賢之實也。口訣

初六：鴻漸于干。

鄭元曰：干謂大水之旁，故停水處者。詩疏五之三。○陸續曰：水畔稱干。釋文。○荀爽曰：干，山間澗水

也。王肅同。○翟元曰：涯也。同上

六二：鴻漸于磐，飲食衎衎。

馬融曰：山中石磐紆，故稱磐也。釋文。衎衎、饒衎。釋文。○王肅曰：衎衎、寬饒之貌也。文選注。○陸續曰：

于磐，賢人進位也。京易注

九三：鴻漸于陸，夫征不復，婦孕不育。

馬融曰：山上高平曰陸。釋文。○鄭元曰：九三上與九五互體為離，離為大腹，孕之象也。又互體為坎，坎

為丈夫，坎為水，水流而去，是夫征不復也。夫既不復，則婦人之道顛覆，故孕而不育。禮記疏二。孕猶娠也。

釋文

離羣醜也。

鄭元曰：離猶去也。釋文

或得其桷。

馬融曰：桷，椽也。陸績同。○翟元曰：方曰桷，椽也。同上

六五鴻漸于陵。

陸績曰：陸陵俱是高處，然陵卑于陸也。口訣義。

歸妹

虞翻曰：九女者貴其男女，繼嗣宗享不絕也。口訣義。

歸妹征凶。

陸績曰：震長男，兌少女，少女匹長男，氣非合也。京易注。

六三歸妹以須。荀陸作孺。

鄭元曰：須有才智之稱。天文有須女，屈原之姊。一作名女須。釋文：周禮疏十四之。
○陸績曰：孀妾也。釋文。

九四歸妹愆期，遲歸有時。

馬融曰：愆，過也。釋文。王肅同。文選注二十八。
○陸績曰：遲待也。釋文。

六五帝乙歸妹。

子夏傳曰：湯之嫁妹也。漢上易五。

月幾。荀作既。釋文。望。

上六女承筐。鄭作匡。釋文。无實，士刲羊无血。

鄭元曰：宗廟之禮，主婦奉匡米。儀禮疏十五。
士昏禮云：婦入三月而後祭行。詩疏五之三。
○子夏傳曰：血謂四士

剗羊三而无血。漢上易五。○馬融曰剗刺也。釋文

豐

鄭元曰豐之言腆充滿意也。釋文

王假。馬古雅反。之。釋文

馬融曰假大也。釋文

日中則昃。孟作稷。月盈則食。釋文

鄭元曰言皆有休已無常盛也。公羊疏二

初九遇其配鄭作妃。主雖旬。王肅尙純反。无咎。荀

鄭元曰嘉耦曰妃。釋文初修禮上朝四四以匹敵恩厚待之雖留十日不爲咎正以十日者朝聘之禮

止于主國以爲限聘禮畢歸大禮曰旬而稍旬之外爲稍久留非常。詩疏十九

六二豐其蔀。王虞蒲戶反。日中見斗。孟作主。

馬融曰蔀小也。釋文○鄭元曰苦小席。同上

九三豐其沛。王虞豐蓋反。日中見沫。王肅音妹。折其右肱。姚作股。

子夏傳曰苦小也。昧星之小者。馬同。○鄭元曰苦祭祀之蔽膝。千寶同。三良爻良爲手互體爲巽巽

又爲進退手而便于進退右肱也。猶大臣用事于君君能誅之故无咎。儀禮疏○姚信曰沛滂沛也。釋文

闕其戶闕孟作室·姚作闕·釋文·其無人。

馬融曰闕無人貌。鄭同·釋文·○陸績曰上六積暗而動凶之于上反下見陰之兆。京易注·

天際翔鄭王肅作祥·釋文·也。

鄭元曰際當爲瘵瘵病也。釋文·

自藏衆家作戕·釋文·也。

馬融曰戕殘也。王肅同·釋文·○鄭元曰戕傷也。同上·

旅王肅以爲軍旅·釋文·

象曰山上有火旅。

陸績曰火在上无止象旅之義。京易注·

初六旅瑣瑣斯其所取災。

馬融曰瑣瑣疲弊貌。釋文·○鄭元曰瑣瑣猶小小也。爻互體艮艮小石小小之象。三爲聘客初與二其

介也。介當以篤實之人爲之。而用小人瑣瑣然。客主人爲言不能辭曰非禮不能對曰非禮。每者不能

以禮行之。則其所以得罪。釋文·禮疏八·儀艮爲小動而之四復成艮小之又小瑣瑣也。漢上易六·○王肅曰瑣

瑣細小貌。釋文·

得其資子夏傳及衆家並作齊·釋文·斧。

喪牛于易。王肅音亦。釋文。

其義焚也。

馬融曰。義宜也。釋文。

巽

陸績曰。本乾象。陰來盪成巽。巽者順也。京易注。

九三。頻。鄭意同王弼。釋文。巽。

兌

說以先民。

陸績曰。兌下六陰。凝艮上于陽健。納兌為妻。二氣合也。京易注。

象曰。麗。鄭作離。釋文。澤。

鄭元曰。離猶併也。釋文。

九四。商兌。未寧。介疾有喜。

鄭元曰。商。隱度也。釋文。○馬融曰。介。大也。同上。

渙

陸績曰。渙。散也。京易注。

乘木有功也。

陸績曰：虛舟行也。京易注。

象曰：風行水上，渙。

陸績曰：木浮于水也。京易注。

初六：用拯子夏作掛馬壯吉。虞作壯吉悔亡，漢上易六。

子夏傳曰：拊取也。釋文。○馬融曰：拯舉也。同上。○伏曼容曰：濟也。同上。○王肅曰：拔也。同上。

渙有正。姚作道匪夷荀作弟所思。釋文。

九五：渙汗其大號。

鄭元曰：號令也。文選注。○王肅曰：王者出令不可復返，喻如身出汗不可反也。北堂書鈔一百三。

節

節以制度，不傷財，不害民。

鄭元曰：空府藏則傷財，力役繁則害民，二者奢泰之所致。後漢書注四十九。

中孚

中孚，豚魚吉。

陸績曰：中孚，信也。京易注。○荀爽曰：兩巽對合，外實中虛。漢上叢說。鄭元曰：三辰在亥，亥為豕，爻失正，故變。

而從小名言豚耳。四辰在丑。丑爲鼈蟹。鼈蟹魚之微者。爻得正。故變而從大名。言魚耳。互三。體兌。兌爲澤。四上值天淵。二五皆坎爻。坎爲水。二浸澤則豚利。五亦以水灌淵則魚利。豚魚以喻小民也。而爲明君賢臣恩意所供養。故吉。詩疏十一 ○虞翻曰。孚。實之象。漢上叢說 巽爲魚何也。曰魚多白眼。而巽乎澤者也。漢上易九

信及豚魚也。

陸績曰。豚魚幽微之物。信尙及之。何況于人乎。京易注

乘木舟虛也。

鄭元曰。舟謂集板。如今自空大木爲之曰虛。詩疏二

九二鳴鶴在陰。其子和之。我有好爵。我與爾靡。京作劉。子夏傳陸績作靡。釋文。漢上易六 之。

京房曰。九二處和體震。漢上易九 ○孟喜曰。好。小也。靡。亡彼反。共也。釋文 ○干寶曰。靡。亡池反。散也。同上

六三得敵。或鼓或罷。王肅晉皮。釋文

子夏傳曰。三與四爲敵。漢上易六

六四月幾。京作近。荀作既。釋文。孟作既。會道。釋文 望。

小過。王肅晉戈。釋文

小過。亨利貞。

鄭元曰：中孚爲陽，貞於十一月子，小過爲陰，貞於六月未，法於乾坤。漢上易六

不宜上。鄭如字釋文

鄭元曰：上謂君也。釋文

已上。鄭作尙釋文也。

鄭元曰：尙庶幾也。釋文

既濟

子夏傳曰：陽已下陰，萬物既成。漢上易六 ○鄭元曰：既已也，盡也，濟，渡也。釋文 ○陸績曰：離坎分子，午水

上火下，性相交敵，不間隔，是曰既濟也。京易注

六二：婦器其茀。子夏作髻，董作髻，荀作紘，釋文

馬融曰：茀，首飾也。釋文 ○鄭元曰：茀，車蔽也。同上 ○干寶曰：馬髻也。同上

憊。陸作備釋文也。

鄭元曰：憊，劣弱也。釋文 ○陸績曰：備當爲憊，困劣也。同上

六四：繻。鄭王肅音須，子夏作襦，釋文 有衣袷。王肅音如，子夏作茹，京作絮，同上

九五：東鄰殺牛，不如西鄰之禴祭。

鄭元曰：互體爲坎，又互體爲離，離爲日，坎爲月，日出東方，東鄰象也，月出西方，西鄰象也。禮記疏五十一案坊記注

云·東鄰謂紂國中也·西鄰謂文王國中也·既濟·高下坎上·离為牛·坎為豕·
 西鄰禴祭則用豕·與言殺牛而凶·不如殺豕受福·喻奢而慢·不如儉而敬也·
 禴、夏祭之名。詩疏九之三·爾雅疏五·

未濟

陸績曰·离炎上·坎務下·二象不合·各殊陰陽也。京易注·

小狐汔濟

子夏傳曰·坎稱小狐。漢上易九○孟喜曰·坎·穴也·狐·穴居。漢上易小狐濟水·未濟一步·下其尾。漢上易

鄭元曰·汔·幾也。釋文○王肅曰·坎為水·為險·為隱·伏物之在險·穴居隱伏·往來水間者·狐也。漢上易

○

李氏易解贖義卷二

周易繫辭上王肅本作繫辭上傳。訖於雜卦。皆有傳字。釋文。諸儒分一十二章。馬融荀爽姚信等。又分白茅章後取負且乘更爲別章。成十三章。虞翻分爲十一章。合大衍之數并知變化之道共爲一章。正義。

天尊地卑。乾坤定矣。卑高以陳。貴賤位矣。

鄭元曰。君臣尊卑之貴賤。如山澤之有高卑也。禮記疏三十七。

動靜有常。剛柔斷矣。

鄭元曰。動靜雷風也。陽動陰靜。剛柔之斷也。禮記疏三十七。穀梁疏五。

方以類聚。物以羣分。

鄭元曰。類聚羣分。謂水火也。禮記疏三十七。

在天成象。

馬融曰。象者日月星。王肅同。禮記疏三十七。鄭元曰。日月星辰也。同上。

在地成形。

馬融曰。植物動物也。禮記疏三十七。鄭元曰。謂草木鳥獸也。同上。御覽三十六。王肅曰。山川羣一作淨。禮記疏三十七。物也。禮記疏三十七。

○王廙曰。謂山川等。御覽三十六。

剛柔相摩。

京房曰相體切也。

釋文

○馬融曰磨切也。

同上

○鄭元曰迫也。

同上疏三十七

禮記

八卦相盪。

衆家作蕩。王肅音唐黨反。釋文。

京房曰以陰盪陽以陽盪陰陰陽二氣盪而成象。又曰盪陰入陽盪陽入陰陰陽交互內外適變八卦

回巡至極則反。

漢上易卦圖中。

○馬融曰除也。

釋文

鼓之以雷霆。

王肅音庭。釋文。

虞翻曰鼓鼓動也。

陸董同。釋文。

○京房曰霆者雷之餘氣挺生萬物也。

同上

○蜀才曰凝爲電。

同上

日月運。

姚作違。釋文。

乾知大。

王肅作泰。釋文。

始。

坤作。

虞姚作坤化。釋文。

成物。

姚信曰化當爲作。

釋文

乾以易。

鄭荀董並音亦。釋文。

坤以簡能。

姚信曰能當爲從。

釋文

而成位乎其中矣。

馬王肅作而易成位乎其中。釋文。

繫辭焉而明吉凶。

虞本更有悔吝二字。釋文。

剛柔者。晝夜之象也。虞作晝夜者。剛柔之象。釋文。

六爻之動。三極之道也。

虞翻曰。陰陽失位則變。得位則否。故以陰居陽位。陽居陰位則動。林至。禱傳外篇。○陸績曰。極。至也。釋文。○

馬融曰。三統也。同上。○鄭元曰。三才也。同上。○王肅曰。陰陽剛柔仁義爲三極。同上。

易之序。虞本作象。釋文。也。

京房曰。序。次也。釋文。○陸績曰。象也。同上。

所樂。虞本作變。釋文。而玩。鄭作翫。同上。者。

馬融曰。玩。貪也。釋文。

言乎其小疵也。

馬融曰。疵。瑕也。釋文。

辯吉凶者存乎辭。

京房曰。辯。明也。釋文。○虞翻曰。別也。董姚蜀才同。○陸績曰。吉凶之兆。見乎爻象。京易注。

憂悔吝者存乎介。

王肅曰。纖。介也。干寶同。釋文。

震无咎者存乎悔。

馬融曰：震驚也。釋文 ○鄭元曰：懼也。同上 ○王肅曰：動也。同上

辭有險易。

京房曰：險，惡也；易，善也。釋文

易與天地準。

京房曰：準，等也。釋文 ○鄭元曰：中也。平也。同上

故能彌綸天地之道。

京房曰：彌，徧綸，知也。釋文 ○王肅曰：彌，綸，纏裹也。同上 ○荀爽曰：彌，終也。綸，迹也。釋文 ○劉瓛曰：

彌，廣也。文選注十一

原始反鄭嘆作及終，故知死生之說。宋衷始銳反

宋衷曰：說舍也。釋文

精氣爲物，遊魂爲變，是故知鬼神之情狀，與天地相似。

鄭元曰：精氣謂七八，游魂謂九六，游魂謂之鬼，物終所歸，精氣謂之神，物生所信也。言水火之神，生物

東南、金水之鬼，終物西北，二者之情，其其字疑狀與春夏生物，秋冬終物相似。此條與集解所引異，禮記疏十四，三十七。

五十一、五十三
周禮疏二十。

而道濟天下。

鄭元曰道當作導。釋文

旁行而不流。京作留。釋文。虞作變。同上。天知命。

範圍。馬王肅張作犯。釋文。天地之化。

鄭元曰範法也。釋文。○張璠曰犯違猶裁成也。同上

通乎晝夜之道而知。荀爽音智。釋文。

故君子之道鮮矣。鄭作匙。釋文。

馬融曰少也。鄭王肅同。釋文。

臧。鄭作臧。釋文。諸用。

鄭元曰臧善也。釋文

成。蜀才作盛。釋文。象之謂乾。爻。馬如字。蜀才作。同上。法之謂坤。

馬融曰爻放也。釋文

其靜也專。陸作搏。音同。釋文。

易其至矣乎。

劉瓛曰至極也。文選注三十九。

知崇禮。蜀才作體。釋文。卑。

聖人有以見天下之賾九家作册·京作

京房曰嘖情也釋文

以行其典禮京作等禮·姚作

而不可惡荀作亞·亞、次也·馬

言天下之至動鄭本作至蹟·九家

鄭元曰蹟當為動釋文

議鄭姚作儀·釋文之而後動

我與爾靡京作劇·釋文之

樞機之發榮辱之三也

鄭元曰樞謂戶樞一作戶機謂弩牙一作弩戶樞之發或明或闇弩牙之發或中或否以喻君子之言

或榮或辱一作以讒言語之發·有榮有辱○王虞曰樞戶樞也機弩牙也釋文

其利斷王肅丁管反·釋文金

其臭如蘭

鄭元曰蘭香草也文選注

慎鄭千時震反·釋文斯術也

鄭元曰。術道。釋文

有功而不德。鄭陸蜀才作置釋文

鄭元曰。置當爲德。釋文

則言語以爲階。姚作機釋文君不密則失臣。臣不密則失身。幾事不密則害成。

鄭元曰。幾。微也。密。靜也。言不慎于微。而以動作。則禍變必成。公羊疏十三

致寇至。

宋衷曰。作戎誤。釋文

慢藏誨。虞作悔。謂悔。恨。釋文。盜治野。鄭陸姚王肅作同上。容誨淫。

鄭元曰。飾其容而見於外曰野。後漢書注五十二言妖野容儀。教誨淫佚也。陸姚王肅同釋文○王肅曰。作野音也。同上

大衍之數五十。其用四十有九。

京房曰。五十者。謂十日十二辰二十八宿也。凡五十。其一不用者。天之生氣。將欲以虛求。一作來實。故

用四十九焉。正義。漢上叢說易卦圖中。筮宗。○馬融曰。易有太極。謂北辰也。太極。一作北生兩儀。兩儀生日月。日月生

四時。四時生五行。五行生十二月。十二月生二十四氣。一尙有爲五十三字北辰居位不動。其餘四十九轉運而

用也。正義。漢上叢說。筮宗。○荀爽曰。卦各有六爻。六八四十八。加乾坤二用。凡有五十。乾初九潛龍勿用。故用

四十九也。同上○鄭元曰。天地之數五十有五。一有者以五行氣通。凡五行減五。一作以五行氣通于萬物故減五。大衍

又減一故四十九也。同上衍、演也。揲、取也。釋文天一生水於北，地二生火於南，天三生木於東，地四生

金於西，天五生土於中，陽无耦，陰无配，未得相成。地六成水於北，與天一并，天七成火於南，與地二并，

地八成木於東，與天三并，天九成金於西，與地四并，地十成土於中，與天五并也。大衍之數五十有五，

五行各氣并，氣并而減五，惟有五十，以五十之數，不可以為七八九六十筮之占，以用之，更減其一，故

四十有九也。禮記疏○姚信曰：天地之數五十有五者，其六以象六畫之數，故減之而用四十九。董遇

正義○王虞曰：衍，廣也。蜀才同

掛漢上叢說一以象三。王肅言卦

揲之以四以象四時。

鄭元曰：揲，取也。釋文

歸奇於扚。

馬融曰：扚，指間也。釋文

故再扚而後掛。京作卦

京房曰：再扚而後布卦。釋文

天數五，地數五，五位相得而各有合。

鄭元曰：天地之氣各有五，五行之次，一曰水，天數也；二曰火，地數也；三曰木，天數也；四曰金，地數也；五

曰七。天數也。此五者陰无匹，陽无耦，故又合之。地六爲天一匹也，天七爲地二耦也，地八爲天三匹也，天九爲地四耦也，地十爲天五匹也，二五陰陽各有合，然後氣相得，施化行也。左傳疏四十五。凡三百有六十當期之日。

虞翻曰：陽爻三十六，陰爻二十四，三爻一百二十，曰三百者，舉大概也。漢上叢說。○鄭元曰：四正卦之爻。

減二十四之數，與當期之日相契。同上。

是故可與酬酢。京作醋，釋文。可與祐。荀作侑，同上。神矣。

馬融曰：祐配也。釋文。

子曰：知變化之道者，其知神之所爲乎。

虞翻曰：此本美大衍四象之作，而荀謂上爲章首，尤可怪笑。三國吳志注十二，學易編。

以制器者尙其象。

鄭元曰：此者一无此存於器象，可得而用，一切器物及造立皆是。周禮疏二，十四。

錯綜其數。

王肅曰：錯交也，綜理事也。文選注十二，十六，二十四，三十四，五十八。

遂成天地之文。虞陸本作交，釋文。

聖人之所以極深而研蜀才作鞏，釋文。幾鄭作機，同上。也。

鄭元曰。研喻思慮也。文選注三十五 機當作幾。幾。微也。釋文

開王肅作闕。音同。釋文。物成務。

著之德圓而神。

鄭元曰。善形圓而可以立變化之數。故謂之神也。儀禮疏十六。

六爻之義。易以貢。京陸虞作工。荀作功。釋文。

聖人以此洗。劉瓛悉珍反。盡也。王肅悉禮反。京荀董盛張蜀才作先。釋文。心。

知以藏。劉作臧。善也。釋文。往。

神武而不殺。馬鄭王肅于所戒反。陸如字。釋文。者夫。

以神明其德夫。荀爽絕句。釋文。

闕。王肅甫亦反。釋文。戶謂之乾。

是故易有太極。是生兩儀。兩儀生四象。

馬融曰。太極。北辰也。釋文。○鄭元曰。極中之道。淳和未分之氣也。文選注十九。

東方以象木。布九于西方以象金。布七于南方以象火。漢上叢說。○王肅曰。此章首獨言是故者。總衆章

之意。釋文。兩儀。天地也。文選注二十四。三十六。

探賾。九家作册。釋文。索隱。

定天下之吉凶。成天下之亹亹者。莫大乎蓍龜。

鄭元曰。凡天下之善惡。及沒沒一作汲汲之衆事。皆成定之。言其廣大無不包也。公羊疏二○王弼曰。亹亹。

微妙之意也。文選注五十五

洛王肅作雒出書

又鄭本作有以尙賢也。

乾坤其易之緼。王肅於問反邪。

周易繫辭下劉熹爲十二章。以對上繫十二章也。正義。

八卦成列。

鄭元曰。慮羲作十言之教。曰乾坤震巽坎離艮兌消息。無文字。謂之易。漢上易作十言之教。以厚君民

之別。路史後紀注一○姚信曰。連山氏得河圖。夏人因之曰連山。歸藏氏得河圖。商人因之曰歸藏。伏羲氏得

河圖。周人因之曰周易。連山、神農氏也。歸藏、黃帝氏也。其經卦皆八。本伏羲也。其別卦皆六十有四。因

八卦也。漢上易八

因而重之。

馬融曰。伏羲得河圖而作易。王肅姚信同○鄭元曰。神農重卦。正義序。漢上易卦圖上。○虞翻曰。重卦伏

義也。易輯聞一○王弼曰。伏羲重卦。正義序

漢上叢說

繫辭焉而命孟作明之釋文

貞勝姚本作稱者也釋文

夫乾確然示人易矣夫坤隤孟作退然示人簡矣陸董姚作安

馬融曰確剛貌隤柔貌也釋文

聖人之大寶孟作保曰位何以守位曰人王肅作仁

鄭元曰持一不惑曰守詩疏十七之二

古者包犧孟京作伏羲氏之王天下也釋文

孟喜曰伏服也戲化也京房同○鄭元曰包取一作聚也鳥獸全具曰犧同上

作結繩而為罔罟以佃以漁

馬融曰罟猶罔也姚信取獸曰佃取魚曰漁釋文

斲木為耜揉木為耒

京房曰耜耒下耒也耒耜上句木也釋文○陸績曰耜耒下耒也廣五寸京易注

耒耨之利

馬融曰耒耜也釋文○孟喜曰耨耘除艸也同上

黃帝堯舜垂衣裳

鄭元曰始去羽毛。公羊疏四金天高陽高辛遵黃帝之道無所改作故不述焉。周禮疏二

蓋取諸乾坤

鄭元曰乾為天坤為地天色元地色黃故元以為衣黃以為裳象天在上地在下。詩疏八乾為天其色

元坤為地其色黃但土无正位託于南方南方色赤黃而兼赤故為纁也。禮記疏十一

重門擊拆以待暴。鄭作競釋文客。

馬融曰拆兩木相擊以行夜。釋文○鄭元曰豫坤下震上九四體震又互體有艮艮為門震日所出亦

為門重門象艮又為手初巽爻也應在四皆木也手持二木以相敲是為擊棹擊棹為守

備驚一作警戒也四又互體為坎坎為盜五離爻為甲冑戈兵盜甲冑持戈兵是護客也又以其卦為豫

有守備則不可自逸。周禮疏三傳疏五十八左

後世聖人易之以棺槨蓋取諸大過

鄭元曰大過者巽下兌上之卦初六在巽體巽為木上六位在巳巳當巽位巽又為木二木在外以夾

四陽四陽互體為二乾乾為君為父二木夾君父是棺槨之象。禮記疏六

上古結繩而治

鄭元曰結繩一向有為約二字事大·大結其繩事小·小結一无二結字其繩。正義書疏一○王肅曰結繩識其政事是也。疏書

一

後世聖人易之以書契。

鄭元曰。書契。書之于木。刻其側為契。各持其一。後以相考合。書疏以書書木邊。言其事。刻其木。謂之書

契也。書釋文

象也者像。孟京虞董姚還作象。釋文。也。

陽一君而二民。君子之道也。陰二君而一民。小人之道也。

鄭元曰。一君二民。謂黃帝堯舜。謂地方萬里。為方千里者百。中國之民居七千里。七七四十九。方千里者四十九。四裔之民居千里者五十一。是中國四裔二民共事一君。二君一民。謂三代之末。以地方五千里。一君有五千里之土。五五二十五。更足以一君。二十五始滿千里之方五十。乃當堯舜一民之地。

故云二君一民。禮記疏

覆公餗。馬作粥。釋文。

介。王虞古點反。釋文。于石。

君子知微知章。

鄭元曰。知微謂幽昧。知章謂明顯也。文選注

无祇。王虞輔嗣音支。釋文。悔。

男女構鄭作覲。詩。一之四。精。

鄭元曰：觀合也。男女以陰陽合其精氣。詩疏一

乾坤其易之門。鄭作門戶。正義序。邪。

以體天地之撰。王肅土谷反。釋文。

因貳以濟民行。

鄭元曰：貳當爲式。釋文。

損德之修。馬作循。釋文。也。

鄭元曰：修治也。釋文。

德之辯。王肅下免反。釋文。也。

益長裕而不設。

鄭元曰：設大也。周禮考工曰：中其莖，設其後。周禮疏四十。

易之爲書也，不可遠。馬王肅袁万反。釋文。

爲道也屢。鄭作婁。正義序。遷。

而揆其方。

馬融曰：方道。釋文。

若夫雜物撰。鄭作算。釋文。德。

鄭元曰算數也。釋文

則非其中爻不備。

京房曰互體是也。漢上易二至四為互體三至五為約象。困學紀聞一○崔憬曰二三四五也。漢上易

噫。王肅於力反。辭也。馬同。釋文。亦要存亡吉凶則居。肅音基。同上。可知也。

知者觀其象辭。

馬融曰彖辭卦辭也。釋文○鄭元曰爻辭也。同上○王肅曰彖舉象之要也。同上

當文王與紂之事邪。

鄭元曰據此言以易是文王所作斷可知矣。左傳疏一四十二

成天下之亹亹者。

鄭元曰亹亹沒沒也。釋文○王肅曰勉也。同上

人謀鬼謀。

鄭元曰鬼謀謂謀卜筮於廟門。儀禮疏一

愛惡。鄭鳥洛反。釋文。相攻。

周易說卦。

昔者聖人之作易也。

鄭元曰：易者陰陽之象，天地之所變化，政教之所生，自人皇初起。禮記疏一·史前紀注五·路昔者聖人謂伏羲文

王也。書疏一

參天兩地而倚文。王肅其綺反·虞同·蜀才作奇·通·釋鄭作奇於綺反。周禮注十四·數。

馬融曰：天數五，地數五，五位相得而各有合，以爲五位相合，以陰從陽，天得三合，謂一三與五也；地得

兩合，謂二與四也。王肅同·正義○鄭元曰：天地之數備於十，乃三之以天，兩之以地，而奇託大演之數五十

也，必三之以天，兩之以地者，天三覆地，二載欲極於數，庶幾得吉凶之審也。同上○馬融曰：倚，依也。釋文

立也。漢上易·九·王肅曰：立也。虞同·釋文

發揮于剛柔。

鄭元曰：揮，揚也。釋文○王虞曰：散也。同上

窮理盡性以至於命。

鄭元曰：言窮其義理，盡其人之情性，以至於命，吉凶所定。文選注六十

兼三才而兩之，故易六位。鄭作畫·儀禮注一·而成章。鄭作卦·同上

鄭元曰：三才，天地人之道，六畫，畫六爻。儀禮疏一

雷風相薄，水火不相射。虞陸董姚王肅皆亦·釋文

馬融曰：薄，入也。鄭同·釋文○陸績曰：相附薄也。同上○虞翻曰：射，厭也。陸董姚王肅同·同上

八卦相錯

虞翻曰六子皆以乾坤相易而成。艮兌以終相易。坎離以中相易。震巽以初相易。終則有始。往來不窮。

不窮所謂通也。蔡景君伏曼容同漢上叢說。

雷以動之。風以散之。雨以潤之。日以烜之。

王肅曰。上四舉象。下四舉卦者。互相備也。正義 ○京房曰。烜。乾也。釋文

帝出乎震。

陸績曰。安爲動主。靜爲躁君。京易注。

萬物出乎震。震東方也。齊乎巽。巽東南也。齊也者。言萬物之絜齊也。離也者。明也。萬物皆相見。南方之卦也。聖人南面而聽天下。嚮明而治。蓋取諸此也。坤也者。地也。萬物皆致養焉。故曰致役乎坤。兌。正秋也。萬物之所說也。故曰說言乎兌。戰乎乾。乾西北之卦也。言陰陽相薄也。坎者水也。正北方之卦也。勞卦也。萬物之所歸也。故曰勞乎坎。艮東北之卦也。萬物之所成終而所成始也。故曰成言乎艮。

鄭元曰。萬物出乎一作於震。雷發聲以生之也。齊乎巽。風搖長以齊之也。絜猶新也。相見於離。此句舊在齊乎巽下

非。萬物皆相見。日照之使光大。萬物皆致養焉。地氣含養。使有秀實也。萬物之所說。草木皆老。猶以澤氣說成之。戰言陰陽相薄。西北陰也。而乾以純陽臨之。猶君臣對合也。坎勞卦也。水性勞而不倦。萬物之所歸也。萬物自春出生於地。冬氣閉藏。還皆入地。萬物之所成終而所成始。言萬物陰氣終。陽氣始。

皆艮之用事也。漢上易九。坤不言方者。所言地也。一作坤。之養物不專一字。一多時也。正義九。漢

神也者。妙。王肅作眇。晉釋文。萬物而爲言者也。

鄭元曰。其成萬物。物不可得而分。故合謂之神。漢上易九。○董遇曰。眇成也。釋文。

撓。王肅乃教反。釋文。萬物者莫疾乎風。燥萬物者莫燥乎火。王肅呼且反。同上。

王肅曰。燠。火氣也。釋文。

莫盛。鄭音成。釋文。乎艮。

鄭元曰。盛。裹也。釋文。○崔憬曰。山於終始萬物之義。不若艮字之明也。玩辭十

故水火相逮。一作不相逮。鄭宋陸王肅釋文。

乾爲馬。

陸績曰。天行運轉不息。京易注。

坎爲豕。京作豨。釋文。

艮爲狗。

子夏傳曰。斗主狗。斗止而動。艮之象也。玩辭十五。

兌爲羊。

鄭元曰。其畜好剛。剛周禮疏二。○王廙曰。羊者順之畜。故爲羊也。正義

乾爲首。

京房曰。上爻爲頭目。漢上易九。

坤爲腹。

陸績曰。坤順容于物。京易注。

兌爲口。

鄭元曰。上開似口。漢上易九。

故稱乎母。

陸績曰。坤稱母。取含養也。御覽三十六。

震一索而得男。

馬融曰。索數也。釋文○王肅曰。求也。同上

乾爲天。

鄭元曰。天清明无形。漢上易九。

爲君。爲父。

陸績曰。乾爲首也。乾象堅剛。天地之尊。故曰君父。京易注。

爲瘡。京荀作柴。釋文。馬爲駁馬。

京房曰柴多筋幹。荀同。釋文。○鄭元曰凡骨爲陽肉爲陰。漢上易九。○王廙曰脊健之甚者爲多骨也。釋文。

駁馬能食虎豹取其至健也。正義。

爲吝。京作遴。釋文。齋。

爲龍。干作駘。釋文。

鄭元曰龍讀爲虜取日出時色雜也。漢上易九。○干寶曰驪雜色。釋文。

爲專。王肅音專。姚作專。鄭市懸反。釋文。爲大塗。

干寶曰專花之通名鋪爲花貌謂之敷。釋文。○姚信曰專一也。同上。○鄭元曰國中三道曰塗震上值

房心塗而大者取房有三塗焉。漢上易九。○王廙曰大塗萬物所生。御覽一百九十五。

爲萑葦。

鄭元曰竹類。漢上易九。

爲驛。京作朱。荀同。釋文。漢上叢說。足。

爲反。虞作阪。釋文。漢上叢說。生。

鄭元曰生而反出也反其生者有生有不生。漢上易九。○虞翻曰阪陵阪也。釋文。○陸績曰阪當爲反。同上。

爲王。鄭作墨。晁氏。

爲臭。王肅作爲香臭。釋文。正義。

為寡鄭作宣。周禮注四十二。髮為廣鄭作黃。漢上叢說。頽。

鄭元曰宣髮取四月靡艸死髮在人體猶靡艸在地周禮疏四十二。

為矯輮王肅奴又反。馬鄭陸王肅本作輮。宋衷王廣作揉。京作柔。苟作撓。釋文。

宋衷曰使曲者直直者曲為揉釋文。○陸績曰輮讀為柔京易注。

為弓輪姚作倫。釋文。

為亟王肅去記反。苟作極。釋文。心。

苟爽曰極中也釋文。

為多告。

王虞曰告病也釋文。

為月。

鄭元曰月臣象也文選注十三。

為乾董作幹。釋文。卦。

鄭元曰乾當為幹陽在外能幹正也釋文。漢上叢說。

為鼈為蟹為贏京作螺。姚作蠡。漢上叢說。為蚌為龜。

鄭元曰皆骨在外周禮疏四十一。

爲科上槁。鄭作藥。干作槁。釋文。

鄭元曰：科上者，陰在內爲疾。漢上易九。

爲徑路。

鄭元曰：田間之道曰徑路。艮爲之者，取山間鹿兔之蹊。初學記二十四。萬花谷後集二十五。錦繡。

○王廙曰：物始故爲徑路。

御覽一百九十五。

爲果蓏。京木作果。隨之字。釋文。漢上叢說。

馬融曰：果、桃李之屬，蓏、瓜瓠之屬。釋文。

爲指。鄭作爲小指。晁氏。

爲黔。王肅其嚴反。鄭作黠。釋文。漢上叢說。喙之屬。

鄭元曰：黠謂虎豹之屬，貪冒之類，取其爲山獸。釋文。漢上易九。

爲羊。鄭作陽。漢上易九。

鄭元曰：此陽謂當作爲養。无家女行賃炊爨，今時有之，賤于妾也。漢上易九。晁氏。羊誤。當作陽。女使。玩辭十五。○

荀爽九家集解本。乾後有爲龍。爲直。爲衣。爲言。後有爲牝。爲迷。爲方。爲囊。爲裳。爲黃。爲帛。爲漿。震後有爲王。爲鷓。爲鼓。巽後有爲楊。爲鷓。坎後有爲宮。爲律。爲可。爲棟。爲叢棘。爲狐。爲蹊藜。爲桎梏。離後有爲牝牛。艮後有爲鼻。爲虎。爲狐。兌後有爲常。爲輔頰。注云。常。西方神也。釋文。

周易序卦

屯者物之始生也。

王肅曰屯剛柔始交而難生故為物始生也。

正義

○盧氏曰物之始生故屯難。

同上

飲食必有訟。

孟喜曰陰陽養萬物必訟而成之君臣養萬民亦訟而成之。

古占法下

履而泰。

鄭无而泰二字 晁氏

然後安。

有大者。

鄭作有 晁氏

不可以盈。

豫必有隨。

鄭元曰喜樂而出人則隨從。孟子曰吾君不游吾何以休吾君不豫吾何以助此之謂也。

正義

○王肅

曰歡豫人必有隨。

同上

可觀而後有所合。

鄭元曰易乾鑿度曰陽起於子陰起於午天數大分以陽出離以陰入坎坎為中男離為中女大乙之

行出從中男入從中女因陰陽男女之偶為終始也。

漢上易卦圖中案此非鄭注疑王氏之誤

致飾然後亨。

鄭許兩反釋文

則盡矣。

剝窮上反下。

京房曰八卦相生變而成六十四卦也。

漢上叢說

有無妄然後可畜。鄭作物然後可畜。玩辭十六。晁氏。

故受之以大過。

鄭元曰：以養賢者宜過於厚。正義

○王肅曰：過莫大於不養。同上

物不可以久居。久居鄭作終久。晁氏。其所

主器者莫若長子。

鄭元曰：謂父退居田里，不能備祭宗廟，長子當親視滌濯鼎俎。禮記疏

周易雜卦

孟喜曰：雜亂也。釋文

○虞翻曰：雜卦者，雜六十四卦以爲義，其於序卦之外別言也。昔者聖人之興，因

時而作，隨其時宜，不必皆相因襲，當有損益之意也。故歸藏名卦之次亦多異。於時王道踏駁，聖人之

意，或欲錯綜以濟之，故次序卦以其雜也。正義。漢

屯見。鄭如字。釋文。而不失其居。

損益盛衰。鄭作衰盛。釋文。引見會通。今本無。之始也。

謙輕而豫意。姚如字。京作治。釋文。也。

兌見。鄭作說。晁氏。而巽伏也。

蠱則飭。鄭王肅作飾。釋文。也。

明夷誅也。

荀爽曰誅滅也。

釋文

○陸績曰傷也。同上

大有衆

荀作終

也。

釋文

親寡旅也。

荀本豐多故親絕句。寡旅也別爲句。釋文。

大過顛也。

鄭元曰自此以下卦音不協似錯亂失正弗敢改耳。

晁氏

小人道憂

鄭作消

也。

晁氏